

Soma vifungu vifuatavyo. Vina nafasi 1 mpaka 15. Kwa kila nafasi umepewa majibu manne hapo. Chagua jibu lifaalo zaidi kati yale uliyopewa.

Wakazi wa vitongoji duni ____1____ na matatizo mengi. Asalimia kubwa ya waja hapa ____2____ ____3____ aila. ____4____, katika mitaa ya mabwenyenye ____5____ na vitongoji hivi, hali ni tofauti; majimba yenye kuvutia yamepamaba mazingira humo. Maisha ya makundi haya mawili ____6____. Wana wa matajiri hupata mahitaji ____7____ huku maskini ____8____ kwa ukosefu. Ama kwa kweli ____9____.

- | | | | | |
|----|--------------------------------------|----------------------------------|--|---------------------------------|
| 1. | A. Wametwaliwa | B. Wamekabiliwa | C. Wametengwa | D. Wametingwa |
| 2. | A. Haiwezi | B. Hawawizi | C. Haziwezi | D. Hawawezi |
| 3. | A. Kunkimu | B. kuzikimu | C. kujikimu | D. kuwakimu |
| 4. | A. Labda | B. Kwa hivyo | C. hata hivyo | D. Ingawa |
| 5. | A. Waliopakana | B. Iliyopakana | C. Uliyopakana | D. Yaliyopakana |
| 6. | A. Yamrbadilika kama ardhi na mbingu | B. Yameadimika kama wali na daku | C. Yameingia kati kama mchuzi wa ugali | D. Yamejikauka kama ukuni |
| 7. | A. Zote | B. Yote | C. Nyote | D. Sote |
| 8. | A. Wakila mwata | B. Wakila mwende | C. Wakila yaamini | D. Wakila hasara |
| 9. | A. Dua la kuku halimpati mwewe | B. Bidii ya mja haiondi kudura | C. Dua la mnyoinge haliendi josho | D. Mtengemea nundu hachi kunona |

Tina aalijua kwamba alihitaji kutia biii masomoni asije _____ shuleni. Kijijini mwao alikuwa kawaida wasichana _____ nafasi katika elimu. Palipotokea uhaba _____ karo, masomo ya mssichana _____ huku mvulaana akiendelea na elimu. Mara hii Tina aliamua kutia bidii angaa Mwalimu Mkuu amtafutie mhisani _____. Kwa njia Tina _____ naman fulani ya kuliokoa tabaka lake.

- | | | | | |
|-----|---------------------------|--------------------------|--------------------------|---------------------------|
| 10. | A. Akaachishwa | B. Akaachiwa | C. Akaachilia | D. Akaachia |
| 11. | A. Kunyanyaswa | B. Kubadilishwa | C. Kudhulumiwa | D. Kupunguziwa |
| 12. | A. Ya | B. Kwa | C. Wa | D. Na |
| 13. | A. Yangekatazwa | B. Yanakatizwa | C. Yakikatizwa | D. Yakakatizwa |
| 14. | A. Ayathamini masomo yake | B. Amthamini masomo yake | C. Amdhamini masomo yake | D. Ayadhamini masomo yake |
| 15. | A. Alitarajia alipata | B. Alijihimu alipata | C. Alijihimu kpata | D. alitarajia |

Kutoka swali la 16 mpaka 30, chagua jibu lililo sahihi.

16. Sentensi inayounganisha sentensi: “Juma ni mzee. Juma anasoma kitabu bila miwani.” Kisahihi ni:
 - A. Juma ni mzee maadam anasoma kitabu bila miwani.
 - B. Juma anasoma kitabu bila miwani licha ya kuwa yeye ni mzee.
 - C. Juma ni mzee madhali anasoma kitabu bila miwani.
 - D. Juma anasoma kitabu bila miwani mighairi yay y ni mzee.
17. **Ki** katika sentensi, “mwanafunzi huyo akikuona atatembea kijeshi,” imetumiwa kuonyesha:
 - A. Masharti, nomino.
 - B. Wakati, nomino
 - C. Masharti, namna
 - D. Wakati, namna
18. Chagua neon ambal limetumia silai changamano:
 - A. Mbuga
 - B. Kituta
 - C. Ziwa
 - D. Utulivu
19. Kamilisha, ‘fahamikiana kama _____’,
 - A. Sahaani na kawa
 - B. Kinu na mchi
 - C. Pua na mdomo
 - D. Tui na maziwa
20. Chagua sentensi yenye vivumishi:
 - A. Mwashu amejenga nyumba juu ya mlima
 - B. Yule aliimba vizuri mno akatuzwa
 - C. Nokoa atafika hapa hivi punde.
 - D. Wanafunzi wengi walifaulu mtihani huo.
21. Ni sentensi ipi ambayo imetumia ‘kwa’ kuonyesha sehemu ya kitu?
 - A. Alitembea moja kwa moja hadi shuleni
 - B. Wazee kwa vijana walihudhuria sherehe hiyo.
 - C. Watu watatu kwa kumi huepuka mitego.
 - D. Monika alipongezwa kwa wazazi wake.
22. Mkono wazi ni kwa ukarimu ilhali _____ ni kwa inda.
 - A. Jicho a nje
 - B. Joka la mdimu
 - C. Kifauongo
 - D. Kisebusebu.
23. Chagua kifaa cha uhunzi.
 - A. Fuawe

- B. Patasi
 - C. Timazi
 - D. chetezo
24. ni kundi lipi lenye sauti ghuna pekee?
 - A. P,t,z
 - B. V, th, n
 - C. Sh, l, w
 - D. B, d, g.
25. Wingi wa, ‘kiduka hicho kilifunguliwa jana’. Ni
 - A. Maduka hizo zilifunguliwa jana
 - B. Viduka hizo zilifunguliwa jana
 - C. Viduka hivyo vilifunguliwa jana
 - D. Maduka hayo yalifunguliwa jana
26. Ni sentensi ipi sahihi?
 - A. Hewala! Nitakusaidia.
 - B. Kifule! Naomba maji.
 - C. Oyee! Tumeshidwa
 - D. Hamadi! Amejuja
27. Miaka mia ni kwa karne ilhali vitu ishirini ni kwa _____
 - A. Kikwi
 - B. Korija
 - C. Mwongo
 - D. Iukuki
28. Chagua sentensi yenye kiwakilishi cha idadi:
 - A. Mwanafunzi aliyefika kwanza alimpata mwalimu wa pili darasani.
 - B. Mwaimu aliyefunza mwanzoni alituuliza swali moja mara mbili.
 - C. Mwalimu aliyetufunza mwanzoni alitufafanulia mambo kadhaa ya kutofaa
 - D. Mwanafunzi aliyefika kwanza alipewa medali na wa pili akapewa kitabu.
29. Ni sentensi ipi ambayo imetumia sitiari?
 - A. Mwakio ni sungura siku hizi
 - B. Moyo wake ulimwambia asirudi nyuma
 - C. Muuguzi alisema atajifungua salama
 - D. Nyaboke ni mpole kama njiwa
30. Ikiwa juzi ilikuwa Jumatatu, Jumamosi itakuwa:
 - A. Kesho
 - B. Mtondo
 - C. Mtondogoo
 - D. Keshokutwa

Soma kifungu kifuatacho kisha ujibu maswali 31 – 40

Mfumo wa elimu nchini unatilia makazo mafunzo mengine ambayo, japo yamo nje ya masomo ya kawaida, yanahusiana Na kwenda sambamba Na masomo hayo ya kawaida. Vyama vya wanafunzi shueni vinachangia pakubwa kupitisha mafunzo hayo ya ziada.

Vyama vya wanafunzi hutofautiana kingana Na majukumu. Matalan, vivo vyama vya kidding, vya kataaluma Na vya michezo. Pia, kuna vyama vya kijamii Kama vile Chama cha kupambana Na Matumizi Mabaya ya Dawa Na vyama kiuchumi Kama vile Chama cha wakulima chipukizi.

Imedhihirika kwamba vyama vya wanafunzi vian **manufaa ya kuhusudiwa**. Hii ndiyo sababu shuleni, kila mwanafunzi anahimizwa kujiunga Na angaa vyama viwili. Vyama vya wanafunzi huwasaidia kukuza vipawa na kuimarisha stadi za kujieleza. Haya hufikiwa kupitia kwa shughuli za vyama kama vile ukariri wa mashairi, mijadala, uteguaji vitendawili, chemsha bongo na ulumbi. Ahi, vyama hivi huhimiza utangamano miongoni mwa wanacham kwani wao hujiona kuwa wenye mwelekeo mmoja. Vilevile utangamano wa kitaifa hujengeka.

Mwanafunzi ambaye amejiunga na vyama vya wanafunzi huweza kukabiliana na changamoto za maisha kwa urahisi kuliko yule ambaye hajawa kujiunga na chama chochote. Katika vyama hivi, wanafunzi hufunzana mikakati na maarifa ya kutatua matatizo na mbinu za kuepuka mitengo ya ujana. Kupitia kwa ushauri wa mfano, mwanafunzi hushauriwa kuhusu masuala kama vile uteuzi wa amrafiki, kuratibu muda, kujikubali na kuwakubali wenzake.

Hali kadhalika, mwanafunzi hujifunza maadili ya kijamii na kidini. Kupitia kwa vyama vya kidini na vinginevyo, yeye hujifunza kujistahi an kuwa na stahamala ya kidini, kiitikadi na kikabila. kadhalika, majukumu ambayo mwanafunzi huenda akapewa hupaliia uwajibikaji, uaminifu na kipawa cha uongozi. Hata anapohitimu masomo yak, mwanafunzi huyu huendeleza sifa hizi.

Vijana wana nafasi kubwa katika kukabili na maovu ya kijamii kwani wao ndio wengi Zaidi. Kupitia Kwa vyama hivi, wanafunzi wanaweza kuwahamasisha wenzao dhidi ya tabia hasi Kama vile kushiriki mapenzi kiholela, ulanguzi wa dawa za kuevywa Na kujiingiza katika burudani zisizo faa. Pia shughuli na miradi ya vyama hivi huwawezesha wanafunzi kutumia nishati zao kwa njia ya kujinufaishana kuepuka maovu. Kwa mfano, wanaweza kwenda kukwea milima, kufanya matembezi ya kukusanya pesa za kuwafadhili wahitaji, kuendeleza shughuli za kunadhifisha azingira na kutembelea vituo vya mayatima na wazee.

Kushiriki katika vyama vya michezo hakumwezeshi mwanafunzi kuimarisha afya na kujenga misuli tu, bali pia huweza kuwa msingi wa kupata chanzo cha riziki baadae. Wapo wachezaji maarufu ambao walitambua na kuviendeleza vipawa vyao kupitia kwa vyama vya aina hii, na hivi sasa wana uwezo wa kuyaendesha maisha yao na ya familia zao.

Ifahamike kuwa vyama vya wanafunzi vinapaswa kuwa msingi wa mshikamano na maridhiano. Visitumiwe kama vyombo vya kuwagawa wanafunzi kitabaka. Mwanafunzi hana budi kusawazisha muda anaotumia. Atenge muda wa shughuli za vyama na wa kudurusu masomo yake.

31. Kulingana na kifungu mwanafunzi akiwa shuleni:
- A. Hufunzwa mfumo sambamba, hufunzwa kupitisha mafunzo ya ziada
 - B. Hujiunga na vyama, hujifunza mfumo sambamba
 - C. Hufunzwa mfumo sambamba, hufunzwa taaluma ya vyama
 - D. Hujiunga na vyama, hujifunza taaluma mbalimbali.
32. Katika aya ya pili, wazo kuu analozungumzia mwandishi ni:
- A. Aina za vyama vya kijamii
 - B. Majukumu ya vyama vya wanafunzi
 - C. Aina za vyama vya wanafunzi
 - D. Majukumu ya vyama vya kijamii
33. Chagua jibu **lisilo sahihi kwa** mujibu wa taarifa.
- A. Vyama vya wanafunzi huchangia kukuza ubunifu wa wanafunzi.
 - B. Vyama vya wanafunzi huchagia kukuza uzalendo wa kimataifa
 - C. Vyama vya wanafunzi huwasaidia kuimarisha uzalendo na mahusiano mema
 - D. Vyama vya wanafunzi huwasaidia kuimarisha uhusiano na nchi nyingine
34. Kifungu kinaonyesha kuwa ushauri na uelekezaji:
- A. Humwezesha mwanafunzi kujithamini
 - B. Humsaidia mwanafunzi kupata marafiki
 - C. Humwandalia mwanafunzi mpangilio wa kazi
 - D. Humwondolea mwanafunzi mitego.
35. Kwa mujibu wa taarifa, jibu linalodhirisha maana ya methali, “ Ukiona vyaelea vimeindwa,” ni:
- A. Wanafunzi wakipewa nafasi ya uongozi kuheshimu mielekeo ya wengine
 - B. Wanafunzi wakipewa nafasi ya uongozi hujistahimili wengine
 - C. Wanafunzi wakioewa nafasi ya uongozi humuhimiza stahamala ya kidini baadaye
 - D. Wanafunzi wakipewa nafasi ya uongozi huwa wa kutengemewa baadaye.
36. Kulingana na kifungu, vijana wanaweza kudhihirisha uwajibikaji katika jamii kupitia:
- A. Kuwapinga walamuzi wa dawa za kulevya na kuepuka burudani.
 - B. Kufanya matembezi anuwai ya kukusanya pesa.
 - C. Kushiriki katika miradi ya kuwaauni wanyonge.
 - D. Kuendeleza shughuli za kuhifadhi mazingira na kutembea milimani.
37. Kifungu kimebainisha kuwa:
- A. Vijana ndio wanaoweza kushiriki mapenzi kiholela.
 - B. Vijana wanaweza kutumiwa kama msingi wa kuadilisha jamii pana.
 - C. Vijana wanaweza kutumiwa kama msingi wa kuadilisha jamii pana.
 - D. Vijana ndio wanaweza kukabiliana na matatizo ya kijamii.
38. Chagua jibu sahihi kulingana na kifungu.
- A. Michezo huweza kumjengea mtu jina na kumwimarisha kiuchumi.
 - B. Wachezaji maarufu walianza kucheza walipojiunga na vyama.
 - C. Wachezaji maarufu walianza kungundua vipawa vyao walipojiunga na vyama.
 - D. Michezo huweza kumjengea mtu uwezo na kumwimarisha kiuchumi.
39. Maoni ya mwandishi katika aya ya mwisho ni kwamba:
- A. Vyama vya wanafunzi vinaweza kuvuruga usawa katika jamii.
 - B. Vyama vya wanafunzi ndio msingi wa kumsaidia mwanafunzi kumtumia muda wake darasani.
 - C. Vyama vya wanafunzi vinaweza kufuruga masomo katika darasa.
 - D. Vyama vya wanafunzi ndio msingi wa kuimarisha umoja na maelewano katika jamii.
40. Kulingana na kifungu, ‘**manufaa ya kuhusudiwa**’ ni:
- A. Manufaa yanayowafaidi wengi.
 - B. Manufaa yanayowavutia wengi wengi.
 - C. Manufaa yasiyosahaulika kwa urahisi.
 - D. Manufaa yasiyopatikana kwa urahisi.

Naikumbuka siku iyo vizuri. Niliamka alfarij mbichi tayari kuanza safari kutoka kijijini mwetu hadi mji mkuu. Hii ndiyo iliyokuwa mara yangu ya kwanza kuuzuru mji huu. Moyoni nilikuwa na bashasha isiyokuwa ya kawaida kwa sababu siku hiyo ningeuona mji ambao sifa zake nilikuwa nikizisikia tu kwa wenzangu waliobahatika kuutembelea. Hamu ya kuona majengo marefu, barabara zilizosakifiwa, magari mengi, watu wa asili mbalimbali na mabustani ya starehe ilinigubika, nikiwa sijifai kwa matumaini.

Nilitembea hatua chache hadi kituo cha mabasi. Nikapata daladala moja iliyotoza nauli nafuu, nkaibiri mpaka mji uliokuwa puwa na mdomo kutoka kitongojini mwetu. Hapo nilitumainia kupata matwana ya kusafiria hadi mji mkuu. Kwenye stesheni kulikuwa na msongamano wa matwana na harakati za utingo waliokuwa waking'ang'ania abiria. Nikaingia katika matwaa moja iliyoitwa upepo. Nilikuwaabiria wa kumi na mbili kuingia. Baada ya dakika tano hivi, gari lilijaa abira, wote kumi na wanee. Tukang'oa nanga. Mandhari ya kupendeza yalijikunjua mbele yangu. Upepo mwanana kupitia dirishani, mpito wa kasi wa miti, mazigazi.... Vyote vilishirikiana kunipumbaza kiasi cha kunisahulisha kufunga mkanda wa usalama.

Baada ya robo saa utingo alidai nauli. Nikapeleka mkono kwa tahadhari kwenye **kibindo** ambamo nilikuwa nimezifutika hela za usafiri na masurufu. Nikatoa noti ya shilingi mia mbili na kumkabidh utingo huku nikitarajia baki. Utingo alinikazia macho, akanyoosha mkono na kusema, "Mia Zaidi!" Nikarudi tena kwenye kibindo, nikatoa noti mbili za shilingi hamsini na kumpa. Safari ikaendelea.

Tulipofika mji mdogo wa Pitia, matwana ilisimama. Utingo aliinama chini ya viti, akatoa vibao na kuviweka baina ya viti vya kawaida. Kisha akaanza kutangaza, "wa jiji na mia; mia hamsini", Abiria walionekana kuwa wachovu kwa kungojea na kupigwa na mzizimo wa kipupwe walipigana vikumbo kuingia, huku utingo akiwaelezea kwenye vile vibao. Viti vilivyotengenezewa abiria watatu vikaishia kubeba abiria watano! Matwana nayo ikawa haina budi kustahimili uzito wa abiria ishirini na watatu. Tukawa tunabanana kweli kweli. Utongo naye alining'ania mlingoni, shati lake lapeperushwa na upepo. Nilipojaribu kulalamika hali hii nilinyamazishwa hata na abiria wenzangu.

Gari likaanza mwendo tena huku likiindeshwa kwa kasi ya umeme. Abiriawaliokuwa wakizungumza sasa walinyamaza, kila mmoja roho i mkononi. Kimya cha kaburi kikatawala hadi pale utingo alipomwambia dereva, "weka ngoma." Muziki ukahanikiza hewani kwa fujo. Baadhi ya abiria wakaanza kuyumbisha vichwa kwa kufuata mdundo muziki ambao ulitishia kuvipasua viwambo vya masikio yangu.

Njiani tulikutana na walinda usalama ambao walitusimamisha. Utingo alishuka na kwenda chemba na mmojawapo wa hao maafisa, kasha akarudi huku kibaji chake kimenawiri kwa tabasamu. Akasema, "nimempaka mafuta viganjani." Baadhi ya abiria walitikisa vichwa, wengine wakacheka kanakwamba wameona kinyago. Mimi nilibaki kudua tu. Gari liliongeza mwendo na baada ya muda mfupi tukafika kwa mji mmoja ambao ulikuwa na majengo makubwa makubwa. Nikadhani tumefika Mji Mkuu. Nilipomuuliza abiria jirani aliniambia kuwa huu ulikuwa mji mkuu wa jimbo la Buraha. Tukazidi kuyakunja masafa ya safari hii kwa kasi ya kuogofya huku dereva akitafuna majani aliyokuwa akiyatoa mfukoni mwa shati lake. Kadri alivyoyatafuna ndivyo alivyozidisha kasi. Nikahisi kama gari linapaa juu angani. Nikataka kumwambia dereva jambo, lakini nikajiasa, "Ikiwa wengine wamenyamaza sembuse mimi?"

Baada ya kitambo kidogo mvua ilianza kunyesha. Kukawa na ukungu na utelezi barabarani. Abiria mmoja alimsihi dereva kupunguza mwendo. Haya hayakumgusa dereva mshipa. Aliongeza kasi kanakwamba hajasikia lolote. Gari lilifika kwenye kuruba, dereva akawa haoni vizuri. Ghafla nikasikia, Kirrrr...! Kisha, "Mungu wangu!" Halafu, 'ngu!' **Kiza cha kaniki kikatanda.**

41. Kulingana na kifungu;
- A. Wenzake Musimulizi waliwahi kupata fursa ya kuishi katika Mji Mkuu.
 - B. Barabara za Mji Mkuu hazina mashimo.
 - C. Mji Mkuu una majumbamengi marefu.
 - D. Msimulizi ana mwao na hali ilivyo katika Mji Mkuu.
42. Chagua jibu sahihi kuhusu vituo vya magari kwa mujibu wa aya ya pili:
- A. Wasafiri wengi kushindania nafasi.
 - B. Magari mengi kushindania wasafiri.
 - C. Misongamano mingi marefu.
 - D. Shughuli nyingi za kunadia nafasi.
43. Mazingira ya kuvutia yalimwathiri Msimulizi kwani:
- A. Aliduwaa na kujisahau
 - B. Alifurahi upepo na kujisahau.
 - C. Alizubaa na kuouza sharia za usafi.
 - D. Alipumbaa na kujipanga sharia za usafiri.
44. Msimulizi alikuwa amehifadhi pesa katika:
- A. Mfuko mdogo ndani ya suruali.
 - B. Mfuko mdogo mbele ya suruali.
 - C. Mkunjo wa nguo iliyoshonwa kiunoni.
 - D. Mkunjo wa nguo uliofunguliwa kiunoni.
45. Katika mji wa Pitua abiria walipigana vikumbo kuingia garini kwa sababu:
- A. Kulikuwa na uhaba wa magari.
 - B. Kulikuwa na uhaba wa viti.
 - C. Walikuwa wamechoka kungojea matwana upeo.
 - D. Walikuwa wamepigwa na baridi na mvua.
46. Kulingana na kifungu, ajali barabarani husababishwa na:
- A. Ukosefu wa magari, kubeba abiria wengi.
 - B. Kiburi cha maereva, kutozingatia maelekezo barabarani
 - C. Ukosefu wa mikanda ya usalama, madereva kutowajibika.
 - D. Muziki wa kupasua viwambo, madereva kutoona vizuri.
47. Msimulizi ni mkakamavu kwa vile:
- A. Alishutumiwa hali ya gari kubeba abiria kuliko kiasai.
 - B. Alishutumiwa hali ya shati na utingo kuling'inia nje.
 - C. Alinyamaza alipoona dereva akikaribia kuruba kwa kasi.
 - D. Alinyamaza alipoona utingo akienda chemba na afisa.
48. Chagua jibu **lisilo sahihi** kulingana na kifungu:
- A. Abiria wengine waliufurahia muziki garini.
 - B. Ufiadi unaweza kusababisha ajali barabarani.
 - C. Abiria waweza kuzuia ajali barabarani
 - D. Kuruba ndiyo iliosababisha ajali garini
49. Ni mfuatano upi wa makutano ufaao kwa mujibu wa kifungu?
- A. Kuchezea muziki, kukutana na polisi, kufikia kuruba, mvua kunyesha, kupata ajali.
 - B. Kukutana na polisi, kuhonga, kuchezea muziki, kufikia kuruba, kupata ajali.
 - C. Kucheza muziki, kukutana na polisi, kuhonga, kufikia kuruba, kupata ajali.
 - D. Kukutana na polisi, gari kupaa juu, mvua kunyesha, kufikia kuruba, kupata ajali.
50. '**kiza cha kaniki kikatanda**' kulingana na kifungu ina maana:
- A. Msimulizi akapoteza fahamu
 - B. Msimulizi akapoteza uwezo za kuona.
 - C. Kukawa na weusi mkubwa.
 - D. Kukawa na giza tororo.